

ნაომარით თელავი

მაგდა ლაკიაშვილი

ნაომარ ქალაქს დამსგავსებული თელავი დღის განმავლობაში სამხედროებით ვაივსო. კახეთისთვის სტიქიით მიყენებული ზარალის ლიკვიდაციის პროცესში საქართველოს თავდაცვის სამინისტრო ჩაერთო. თელავში 1300 რეზერვისტი გადაიყვანეს. სტიქიის ზონაში საინჟინრო ბატალიონიც მუშაობს. სამხედროები მოსახლეობას აქტიურად ეხმარებიან. ამ დრომდე შეზღუდულია ელექტროენერჯიის მიწოდება. შეფერხებით მუშაობენ ბანკები.

გაზეთი 24 საათი
გვ. 2 გვერდი



სწორად შერჩეული მომენტი

“მეჭკვება, დასავლეთს ივანიშვილი რაიმე სერიოზული მნიშვნელობისა და ღირებულების ფიგურად ესახებოდეს”

საფრანგეთში ორგანიზაცია “ქარტა 2010“-ის ერთ-ერთ დამფუძნებელს, 1990 წლის 28 ოქტომბერს არჩეული უზენაესი საბჭოს დეპუტატს, მედეა თუშმალიშვილს ვთხოვეთ, თავისი ორგანიზაციის სახელით, გაეზიარებინა შეხედულებები საქართველოში მომხდარ საკადრო ცვლილებებთან დაკავშირებით, ესაუბრა წინასაარჩევნო ვითარებაზე და გამოეთქვა აზრი საქართველოში პოლიტიკური ოპოზიციის მოქმედების მნიშვნელობაზე.

- ამ უკანასკნელ ხანს ქართულ პოლიტიკურ წრეებში დიდი მოთქმა-მოთქმა გამოიწვია ახალი პრემიერ-მინისტრის დანიშვნამ, შესაბამისად, აზრთა სხვადასხვაობაცაა. როგორ შეაფასებდით პრემიერ-დენტის ამ ინიციატივას?

- ვანო მერაბიშვილის დანიშვნა პრემიერ-მინისტრად თითქოს არც იყო მოულოდნელი - ჰა-

ერში ტრიალებდა ეს იდეა, მაგრამ პრემიერის მიერ შერჩეული მომენტი ახალი პრემიერის დანიშვნისა კიდევ ერთხელ გვარწმუნებს, რომ მიხეილ სააკაშვილი პროფესიონალი პოლიტიკოსია, რომელიც ზედმიწევნით ფლობს შესაძლებლობების გამოყენების ტექნოლოგიას.

გაზეთი 24 საათი
გვ. 3 გვერდი

მოსკოვი-პეკინის ვეტო რეზოლუციაზე

სირიაში სისხლისღვრა გრძელდება

ნათუნა ბაბიანი

ოპერაცია დამასკოს ვულკანი - ასადის რეჟიმისთვის გამოცხადებული ქიში და შამათამდე დარჩენილი დროის უცნობი ინტერვალი; სირიის მთავრობის ძალოვანი მალაჩინოსების ლიკვიდაცია ასადის რეჟიმის დასასრულის დასაწყისია, ასე აფასებენ დასავლელი ექსპერტები სირიაში განვითარებულ მოვლენებს.

გაზეთი 24 საათი
გვ. 5 გვერდი



"მეტალურგი" კლასთან შერცხვა, "დილა" გამოანათა

სოსო კობორიძე

ჩეხური "პლზენი" რომ ფავორიტად მიიჩნეოდა, ამას მატჩის წინ რუსთაველთა მწვრთნელი კობა ჟორჟიკაშვილიც ამბობდა, მაგრამ მეტალურგთა თავკაცმა ისიც თქვა, რომ მისი ფეხბურთელები უბრძოლველად არაფერს დათმობდნენ და შანსი, მით უფრო, საშინაო შეხვედრაში მის გუნდსაც ჰქონდა. "მიხეილ მესხის" სტადიონზე შეკრებილმა მაცურებელმა კი სულ სხვა სურათი იხილა - პირველი ნუთიდან მოყოლებული ბურთის და მოედნის სრული ბატონ-პატრონები სტუმართა გუნდის ფეხბურთელები იყვნენ. გააზრებული კომბინაციები, განაპირა მცველების შეტევებში ჩართვა და ეს ყველაფერი სწრაფად, ორგანიზებულად და გრიგოლ ბედიამევილის კართან უკვე მე-7 ნუთზე შეიქმნა საგოლე მომენტი, თუმ-

ცა მასპინძელთა მეკარემ შეძლო გუნდის გადარჩენა. მაღევე ჩეხთა მრავალსკლანი კომბინაცია გოლით დასრულდა, "პლზენის" კაპიტანი, ვეტერანი პაველ შორვატის საჯარიმოს ხაზიდან დარტყმული ბურთი რუსთაველთა მცველს მოხვდა და ასე აღმოჩნდა ბედიამევილის კარში. შანსი "მეტალურგს" მართლაც მიეცა - ჩეხი მცველების დაუდევრობით დიმიტრი ტატიანაშვილმა ისარგებლა და მეკარესთან პირისპირ დარჩენილმა ანგარიში გაათანაბრა. სტუმრებმა მასპინძლებს გახარება არ აცალეს - ოთხ ნუთში მარცხენა ფლანგიდან ჩანოდეტულ ბურთზე უხეიროდ გამოსულ ბედიამევილს კოლარმა დაასწრო და ზუსტი თავური თქვა. კვლავ თავისიანები დაანინაურა.

გაზეთი 24 საათი
გვ. 8 გვერდი


ბათუმში ჭაზი დაიწყო

დღეს ჭონ სკოფილდისა და DJ TABOO-ს კონცერტი გაიმართება

ნა ვაკაბა ბათუმიდან

ბონ-ბონ-ბონ დუბი-დუ - გაისმა გუშინ ბათუმში, რაც იმის მაუწყებელი იყო, რომ შავი ზღვის მეექვსე ჯაზფესტივალი გადამწყვეტ ფაზაში შევიდა, სცენაზე კი ლარი გრეჟემის ბასის აკორდებმა გაიფლავა. მანამდე კი ბათუმის კორტებიდან ბიტბოქსერ Butterscotch-ის უნიკალური მუზიციერება ისმოდა, რომელმაც ჯაზფესტივალის სტუმრებს აქამდე არნახული კონცერტი შესთავაზა. მოკლედ, ბათუმში ჯაზი დულს, წინ კი ისეთი კონცერტები გველის, თუ ჯერ კიდევ არ გადაგინწყობავთ, გირჩევთ, დროულად მოაშუროთ ამ ზღვისპირა ქალაქს.

გაზეთი 24 საათი
გვ. 6 გვერდი



1 აშშ დოლარი	1.6425\$
1 ევრო	2.0186\$
1 ინგლისური გირვანკა	2.5877\$
1 თურქული ლირა	0.9073\$
100 რუსული რუბლი	5.0545\$

თბილისი	31°C - 21°C
ქუთაისი	31°C - 19°C
თელავი	32°C - 17°C
ზუგდიდი	30°C - 18°C
ბათუმი	28°C - 18°C

ნავთობი	2.88	+0.03	+1.18%
გაზი	2.97	+0.17	+5.76%
ოქრო	1,573.40	-16.10	-1.02%
ხორბალი	895.00	+10.00	+1.12%

"24 საათის" ელექტრონული ვერსია იხილეთ www.24saati.ge
ჩვენი პარტნიორები:

თბილისი ბანკი
TBC BANK

FM 102.4

ბანკი კონსტანტა
BANK CONSTANTA

ISSN 1987 9121

ფასდაკლების კუპონი

აქცია ექსკლუზივი

24 საათი Weekend

4 ივნისიდან 4 ივლისის ჩათვლით!

ექსკლუზიურად „24 საათის“ და „Weekend“-ის მკითხველისთვის!

- ამოჭერი კუპონი და მიიღე ექსკლუზიური ფასდაკლება „ბაკურ სულაკაურის გამომცემლობის“ წიგნებზე „საქართველოს ფოსტის“ პრესის ჯიხურებში მთელი საქართველოს მასშტაბით, თქვენთვის მოსახერხებელ ადგილას.
- აირჩიე 5 წიგნიდან შენთვის სასურველი 1 წიგნი და შეიძინე საუკეთესო ფასად!

ყვავი ცალიწინდა ოინგაზოგს	5.90	4.90
ჰარი პოტარი და საიდუმლო ოთახი	9.00	4.00
ფალიაშვილის ქუჩის კაღები	6.90	3.00
ქართული ანთროპოლოგია	17.90	11.90
კავკასიის გეოგრაფიკული ატლასი	15.90	11.00

ნაოპაროვით თელავი

პირველი გვირგვინი

გუშინ, დაახლოებით, 18-მდე ადამიანი საავადმყოფოში სხვადასხვა დაზიანებებით მიიყვანეს, თუმცა ამ მომენტისთვის სტაციონარში მძიმე ავადმყოფი აღარ რჩება. სპეციალისტთა განცხადებით, ძლიერი სეტყვა დღისით რომ მოსულიყო, გაცილებით მეტი ადამიანი დაშავდებოდა.

თელავი სტიქიის ეპიცენტრი იყო. ადგილობრივები ყვებიან, რომ გამთენიისას, დაახლოებით, 4:30 საათზე დაწყებული წვიმა და სეტყვა ისეთი ძლიერი იყო, სახლები დატბორა, შენობებს სახურავები გადახდა და ფანჯრის მინები ჩაღწეა. შემთხვევის ადგილზე ჩასულებს მოსახლეობა ქუჩაში დაგვხვდა. თავად დაგვათვალისწინებინეს სახლები იმ იმედით, რომ მათ ამბავს ბევრი ადამიანი შეიტყობდა და დახმარებასაც გაუწევდა. ვითარება რთულია - ცარიელი კედლები, დამტვრეული ავეჯი და სველი ლოგინი. ხილი, ბოსტნეული, ყურძნის მტვერები მინაზე ყრია. დაზარალებულები ყვებიან, რომ ატმის მოსავალი დღეებზე უნდა აეღოთ, თუმცა ახლა მოსავლის გარეშე დარჩნენ, გადასახადი კი დიდი აქვთ. ზოგიერთმა ბანკიდან კრედიტი გამოიტანა ვენახის მოსავლელად და ახლა აღარ იცის, როგორ გადაიხადოს. ახალგაზრდა მამაკაცი გვიყვება, რომ ვენახის ნაწილი მთლიანად გადასაჭრელია, მინა მოსახნავი და ვაზიც ახლიდან დასარგავი. ამის შემდეგ კი ახალი მოსავლის მოყვანას 5-7 წელი სჭირდება. სოფლის მოსახლეობა შიშობს, რომ შესაძლოა, შიმშილის ზღვარზე აღმოჩნდნენ, რადგან მოსავალი და სავარგულები განადგურდა. დაზარალებულები დახმარებას გამგებებს სთხოვენ.

თელავის ცენტრში ყურადღებას იქცევს საცხოვრებელი სახლის შე-



ნობა, რომლის ორი სართული ჩამონგრეულია. როგორც დაზარალებული ყურაშვილების ოჯახი ამბობს, ჩვენს ბინაში სეტყვამ და წყალმა აივანიდან შემოხეთქა და სამზარეულოს კედელი გადმოიწვია. სამზარეულოდან საყოფაცხოვრებო ნივთები ეზოში ჩაცვივდა. სწორედ ამ დროს ჩაქრა შუქი და ოჯახის წევრებმა, ფაქტობრივად, ვეღარაფერი მოახერხეს. როგორც დაზარალებული ამბობს, მათთან დილით საპატრულო პოლიციის წარმომადგენლები მივიდნენ

და დახმარებას დაჰპირდნენ. ისინი დაზარალებულთა შესახებ გამგეობის წარმომადგენლებს აცნობებენ, რომლებიც, თავის მხრივ, დახმარებას გაუწევენ.

გუშინ დილიდან თელავის გამგეობაში სპეციალური ჯგუფი მუშაობდა, რომლის წევრებიც დაზარალებულების ზარებს და შეკითხვებს პასუხობდნენ. რეგისტრატორები მოქალაქეების პრობლემებს ინიშნავდნენ, შემდეგ კი ამ მისამართებზე შესაბამისი სტრუქტურების წარმომადგენლებს აგზავნიდნენ. კახე-

თის გუბერნატორი გიორგი ღვინიაშვილი «24 საათთან» საუბრისას ამბობს, რომ არც ერთი მოქალაქე არ დარჩება ღია ცის ქვეშ. ზარალის დათვლა ხელისუფლებამ უკვე დაიწყო და კონკრეტული ციფრები უახლოეს დღეებში დასახელდება. სტიქიით დაზარალებულ მოსახლეობაზე მთავრობა როგორც სასურსათო, ისე ფინანსური კომპენსაციების გაცემას გეგმავს. პრეზიდენტის გადაწყვეტილებით, ზარალი სრულად აღუწვავდათ სოციალურად დაუცველებს. დაზარალებული მოსახლეობის მიხედვით დაიწყო და კომპენსაციაც შესაბამისად განისაზღვრება. უახლოეს ოთხ დღეში სრულად აღდგება ელექტროენერჯის მიწოდებაც.

თელავში გუშინ საქართველოს პრეველმა პირმა მთავრობის სხდომა ჩაატარა. მიხეილ სააკაშვილმა მინისტრთა კაბინეტს სტიქიის შედეგებთან საბრძოლველად საგანგებო შტაბის შექმნა დაავალა. პრეზიდენტის თქმით, შტაბი ფორმალურად არ უნდა შეიქმნას და მისმა წევრმა მინისტრებმა კახეთიდან გაუსვლელად, ზარალის დაზუსტებაზე უნდა იმუშაონ.

„უპირველეს ყოვლისა, არ უნდა დაუშვან, რომ ვინმე უსახლკაროდ იყოს და ღია ცის ქვეშ გააღვენოს. უახლოეს საათებში უნდა გავწინდოთ ქუჩები, გავიტანოთ ამოძირკვეული ხეები და მოგლეჯილი ბოძები, მოვანერვიოთ აყრილი ასფალტი. მოვახდინეთ რეზერვისტების კადრირებული ბრიგადის მობილიზაცია და ამაზე პასუხისმგებელია დიმიტრი შაქინი. რეზერვისტები, მანქანები და ტექნიკა ყველგან უნდა მივიდეს. თავდაცვაში რაც კი გადამზიდავი ტექნიკა გაქვთ, ყველაფრით აქაურ ხალხს დავეხმაროთ,“ - ამბობს პრეზიდენტი.

წინასწარი მონაცემებით, თე-

ლავში ქარმა სახურავი 770 სახლს გადახადა, დაზიანებულია წყლის სათავე ნაგებობა, აყრილია ასფალტი და ნაქცევულია ელექტროგადამცემი ბოძები. წნორში დაზიანებულია შიდა საუბნო გზები, იორმულანლოში განადგურებულია კომუნალური ინფრასტრუქტურა, ლელიანის, არემფურათის და გიორგეთის 80 პროცენტი დაისეტყვა. გურჯაანის სოფლები - ვაჩნაძიანი, კალაური, შამიანი, ვაზისუბანი, ველისციხე მთლიანად დასეტყვილია. სახურავების გარეშე დარჩა სახლები, კალაურსა და ვაჩნაძიანში კი სკოლებიც. ასეთია სტიქიის შედეგი, რომელიც პრეზიდენტმა მინისტრთა კაბინეტს გააცნო. კახეთის გუბერნატორ გიორგი ღვინიაშვილის თქმით, კახეთში სტიქიას მხოლოდ დედოფლისწყაროს რაიონი გადაურჩა.

ქვეყნის პირველი პირი დაზარალებული მოსახლეობისთვის საბანკო კრედიტების რესტრუქტურირების ინიციატივითაც გამოდის. მიხეილ სააკაშვილის თქმით, დაუშვებელია დაზარალებულებს კრედიტის პრობლემაც დაემატოთ.

„სიტუაცია იმაზე მეტად დრამატულია, ვიდრე წარმოგვედგინა. სახლების ნახევარზე მეტი სახურავის გარეშე დარჩენილი, განადგურდა ხეხილის ბაღები, აღარ არის ყურძენი. მთელი შრომა და ინვესტიცია ქარმა და სეტყვამ წაიღო, ხალხი კი საკრედიტო ვალეზით დარჩა,“ - განაცხადა პრეზიდენტმა. მიხეილ სააკაშვილის თქმით, ცივილიზებულ ქვეყანაში კრედიტები დაზღვეული უნდა იყოს, რაც მოსავლის დაზღვევას გულისხმობს.

საგანგებო შტაბს, რომელმაც მუშაობა უკვე დაიწყო, პრემიერ-მინისტრი ვანო მერაბიშვილი ხელმძღვანელობს. ნუხელ ქვეყნის პირველი პირი და მთავრობის წევრები კახეთში დარჩნენ.

პრინციპების რამონთვალის ფართოვდება

დავით ბაქრაძემ პოლიტიკურ პარტიებს არასამთავრობო ორგანიზაციების განცხადებასთან მიერთება შესთავაზა

დათო გაიხონია

გუშინ პარლამენტის თავმჯდომარემ დავით ბაქრაძემ, ერთიანი ნაციონალური მოძრაობის სახელით, ყველა პარტიას მიმართა, რომ გასულ კვირას გამოქვეყნებულ დეკლარაციასთან ერთად, დათანხმდნენ და მიიღონ ყველა ის პრინციპი, რომლებიც არასამთავრობო ორგანიზაციებმა მოამზადეს. როგორც ბაქრაძე ამბობს, ამ მიზნით პოლიტიკური პარტიების დეკლარაციას მე-5 პუნქტი ემატება: «ვეურობებით და მხარს ვუჭერთ 16 ივლისის არასამთავრობო ორგანიზაციების მიერ სამართლიანი, კონკურენტული და მშვიდობიანი საარჩევნო პროცესის ხელშეწყობის

მიზნით შემოთავაზებულ პრინციპებს.»

ის პრინციპები, რომლებიც არასამთავრობო ორგანიზაციებმა შემოგვთავაზეს, ნამდვილად მნიშვნელოვანია და მათი ცხოვრებაში გატარება დაგვეხმარება, რომ საარჩევნო გარემო უფრო დაცული და უფრო თავისუფალი იყოს, - მიიჩნევს პარლამენტის თავმჯდომარე. კამპანიის "ეს შენ გეხება" ფარგლებში ჩამოყალიბებული პრინციპები 20-მდე საკითხს მოიცავს. არასამთავრობო ორგანიზაციები პოლიტიკურ პარტიებს მოუწოდებენ: საკუთარ მომხრეთა მხრიდან აგრესიული და დესტრუქციული ქმედებები არ ნახალისონ; დაგვემილი პარტიული ღონისძიებების შესახებ საზოგადო-

ბას და შესაბამის სამსახურებს ინფორმაცია წინასწარ მიანოღონ; მიუკერძოებელი სადამკვირვებლო ორგანიზაციების საქმიანობაში არ ჩაერიონ და მათი დისკრედიტაციის მცდელობა არ შექონდეთ; ამომრჩევლები არ მოისყიდონ; ადმინისტრაციული, მათ შორის საბიუჯეტო რესურსები ბოროტად არ გამოიყენონ; პარტიებმა თემატურ პოლიტიკურ დებატებზე მაქსიმალური აქცენტებით ხელი შეუწყონ მაღალი პოლიტიკური კულტურის დანერგვას და ამით საზოგადოებას ინფორმირებული არჩევანის შესაძლებლობა მისცენ; არჩევნების დღეს ძალადობის და აგრესიის ნახალისება, მათ შორის, მომხრეების წინასწარი მობილიზება არ დაუშვან; საკუთარ ღონისძიებებზე ყველა მედიასაშუალებებისთვის თანაბარი სამუშაო პირობები უზრუნველყონ და ჟურნალისტების საქმიანობისთვის ხელშეშლა არ დაუშვან; კამპანიის მიზნებისთვის ან საზოგადოების დეზინფორმირებისთვის მედიასაშუალებები ბოროტად არ გამოიყენონ; ხელი შეუწყონ მედიასაშუალებებს შორის არსებული დაპირისპირების და დაძაბულობის განმუხტვას.

სამოქალაქო სექტორს შეთავაზებები, პარტიების გარდა, უშუალოდ სახელმწიფო უწყებების მიმართაც აქვს. არასამთავრობო ორგანიზაციათა აზრით, შეთანხმების საგა-

ნი უნდა გახდეს შემდეგი პრინციპები: სახელმწიფო სტრუქტურებმა მხოლოდ კანონის მოთხოვნათა შესაბამისად და პოლიტიკური ნეიტრალიტეტის სრული დაცვით იმოქმედონ; სხვადასხვა პოლიტიკური სუბიექტების მიმართ თანაბარი და სამართლიანი მიდგომა უზრუნველყონ; შერჩევითი მართლსაჯულება ან დისკრიმინაციული მიდგომა არ დაუშვან.

განცხადებაში ცალკეა გამოყოფილი სახელმწიფო აუდიტის სამსახური (ყოფილი კონტროლის პალატა), რომელმაც კანონმდებლობით დაკისრებული ფუნქციები, განცხადების თანახმად, ცალკეული პოლიტიკური პარტიების ფინანსური საქმიანობის დისკრიმინაციულად შეზღუდვის გარეშე უნდა განახორციელოს. ამასთან, სახელმწიფო აუდიტის სამსახურმა და საგამოძიებო ორგანოებმა მეტი აქცენტი გააკეთონ დარღვევების პრევენციაზე, ვიდრე დამრღვევთა დასჯაზე; გარდა ამისა, განცხადებაში მიუთითებენ, რომ სახელმწიფო აუდიტის სამსახურმა პარტიებთან წინასწარი კონსულტაციები უნდა გამართონ, რათა მათ დაფინანსების მიღებისას კანონი დაიცვან. ამასთან, სახელმწიფო უწყებებს მოუწოდებენ, რომ ჟურნალისტურ საქმიანობაში ხელშეშლის მცდელობები არ შექონდეთ და რეგისტრირებულ მედიასაშუალებებს თა-

ნაბარი პირობები შეუქმნან. როგორც განცხადებაშია ნათქვამი, სახელმწიფო უწყებებმა ყველა შესაძლო და კანონიერი ფორმით უნდა უზრუნველყონ საზოგადოებისთვის მრავალფეროვანი ინფორმაციის ხელმისაწვდომობა. არასამთავრობო ორგანიზაციების განცხადებით, ეს არჩევნების დღეს და შემდგომ პერიოდში სხვადასხვა ტელეარხების შეზღუდვად მიწოდებას გულისხმობს.

როგორც დავით ბაქრაძე ამბობს, **„მმართველი პარტია ამ მაღალი სტანდარტის დოკუმენტზე იმ პარტიების გამოხმაურებას დაელოდება, რომელთა ინტერესშიც ნამდვილად შედის დემოკრატიული არჩევნების ჩატარება და არა არჩევნების საბაზო რაიმე სხვა პროცესების პროვოცირება.“**

არასამთავრობო ორგანიზაციების გარდა, დავით ბაქრაძე საქართველოში აკრედიტებული ელჩების წინადადებასაც მიესალმება. დიპლომატები არჩევნების შემდეგ "მასთ ქერის" პრინციპის გაგრძელების საკითხს აყენებდნენ. ბაქრაძემ უკვე მეორედ აღნიშნა, რომ ყველა საკაბელო ოპერატორს და სატელევიზიო არხს, რომლებიც არჩევნების შემდეგაც თანამშრომლობას ამ შეთანხმებით მიღწეული პირობებით გააგრძელებენ, სახელმწიფო ხელს შეუწყობს და ნახალისებს.

სააქციო საზოგადოებების საყურადღებოდ!

ლიცენზირებული რეგისტრატორი სს „კავკასრესტრი“

გთავაზობთ ფასიანი ქაღალდების რეესტრის წარმოების მაღალკვალიფიციურ მომსახურებას. მომსახურების საფასური 17 ლარიდან. თბილისი, მოსაშვილის ქ. №11 (ვაკის პარკთან) მე-2 სართ. ტელ : 222-07-18; 222-07-49; ფაქსი: 225-18-76 ვებ-საიტი: www.kavkasreestri.ge ელ.ფოსტა: kavkasreestri@gse.ge

გაზეთი "24 საათი" გამომცემელი შპს "მზა". რედაქტორ-გამომცემელი: გიორგი ფარუშაშვილი, პაატა ვეშაბაძე.

რედაქცია: სოფიკო ჩხაიძე (მთავარი რედაქტორი), რედაქტორები: მია ჭალაგანიძე (საზოგადოება, Weekend), ინგა ალავიძე (სამართალი), დავით ნინიკაშვილი (ბიზნესი), ივა შილაკაძე (უცხოეთი) სოფო კილაშონია (რევიუ), კახა ფარუშაშვილი (სპორტი). რეკლამის და მარკეტინგის მენეჯერი ირაკლი ლეჟავა ტელ: 899 22 09 49. კომპიუტერული ტექნიკა: თამაზ ჩხაიძე (მენეჯერი), ირა ჯიშკარიანი, თენგიზ ქორია, ნინო ყველაშვილი რედაქციის მისამართი: ქ.თბილისი, კოსტავას ქ. № 68, საზოგადოებრივი მუწყეხელი, მე-3 კორპუსი, მე-3 სართული. ტელ: 40-94-45; 40-94-46; 40-94-47; 40-94-48 ელ-ფოსტა: public@24hours.ge

კიმ ჩენ ინს მარშლის წოდება "მიანიქუს"

ჩრდილოეთ კორეის ლიდერმა კიმ ჩენ ინმა კორეის ეროვნული ჯარის მარშლის წოდება მიიღო. ამის შესახებ განცხადება ჩრდილოეთ კორეის ხელისუფლებამ ოთხშაბათს გააკეთა. გადამწყვეტილება მაღალი რანგის წოდების მინიჭებაზე 17 ივლისს კორეის მშრომელთა პარტიის ცენტრალურმა და სამხედრო კომიტეტმა, ჩრდილოეთ კორეის თავდაცვის კომიტეტმა და ქვეყნის უმაღლესმა სახალხო კრების პრეზიდიუმმა მიიღო.



ამ უმაღლესი სახელისუფლებო ორგანოების გადაწყვეტილებაზე დაყრდნობით, ჩრდილოეთ კორეის ცენტრალურმა საინფორმაციო სააგენტომ გაავრცელა ინფორმაცია: "ჩრდილოეთ კორეის მთავარსარდალს მარშლის წოდების მიანიჭეს." დამკვირვებლები აღნიშნავენ, რომ ჯარის მთავარსარდალი შეუძლებელია, ამასთან ერთად არ იყოს მარშალიც.

გადამწყვეტილება "ახალგაზრდა ლიდერისთვის" კიმ ჩენ ინისთვის მარშლის წოდების მინიჭების თაობაზე მიიღეს მაღალი რანგის სამხედრო იერარქიაში განხორციელებული ცვლილებების ფონზე. ორი დღით ადრე ყველა თანამდებობიდან გაათავისუფლებს გენერალური შტაბის უფროსი, ვიცე-მარშალი ლი იონ შო, რომელსაც ახალგაზრდა ლიდერის ერთ-ერთ მფარველად

მოიაზრებდნენ მას შემდეგ, რაც მისი მამა, ქვეყნის ყოფილი ლიდერი კიმ ჩენ ირი გარდაიცვალა.

ლი იენ შოს გათავისუფლების შემდეგ, რომლის ოფიციალურ მიზეზადაც "მისი ჯანმრთელობის მდგომარეობა" დასახელდა, მალევე ვიცე-მარშლის წოდება ჩრდილოეთ კორეის ჯარის გენერალს ჰენ ენ ჩხოლს გადაეცა. საერთაშორისო ექსპერტებს არ სჯერათ, რომ გენშტაბის ყოფილი ხელმძღვანელი ჯანმრთელობის მდგომარეობის გამო გაათავისუფლეს. მათ აღნიშნეს, რომ

ქვეყნის ხელმძღვანელებს შორის ლი არც ყველაზე ასაკოვანი იყო და არც ყველაზე უძლური.

უნივერსიტეტ "ინჯის", ეროვნული გაერთიანების ფაკულტეტის პროფესორის კიმ ენ ჩხოლის განცხადებით, ლი იენ შოს გადაყენების შემდეგ, მალევე მარშლის წოდების მინიჭება ქვეყნის ახალი ლიდერისთვის იმაზე მიანიშნებს, რომ ჩრდილოეთ კორეის ახალგაზრდა ლიდერი მალე შეიარაღებულ ძალებში სერიოზული ცვლილებების გატარებას დაიწყებს. მარშალი ჩრდილოეთ კორეა-

ში უმაღლესი სამხედრო წოდებაა. ანალიტიკოსები ვარაუდობენ, კიმ ჩენ ინს საშუალება ეძლევა, განამტკიცოს თავისი კონტროლი ჯარზე. მარშლის წოდებას ატარებდა ჩრდილოეთ კორეის ყოფილი ლიდერი კიმ ჩენ ირიც.

ჩრდილოეთ კორეაში ძალაუფლების გადაცემა მამიდან შვილზე დაკავშირებულია პოლიტიკურ მოტივებთან. ეს იმისთვის კეთდება, რომ არ მოხდეს პოლიტიკური კურსის შეცვლა და არსებული რეჟიმის დაშლა, რომელიც ადგილობრივ იდეოლოგიაზე - "ჩუჩხეზე" დაფუძნებულია. ეს საკუთარ ძალებზე დაყრდნობას ნიშნავს. კიმ ჩენ ინის მამას, ჩრდილოეთ კორეის ყოფილ ლიდერს კიმ ჩენ ირსაც ძალაუფლება მისი მამისგან, კიმ ირ სენისგან გადაეცა, რომელიც ჩრდილოეთ კორეის პირველი პრეზიდენტი იყო.

სანამ კიმ ჩენ ინს მარშლის წოდებას მიანიჭებდნენ, ჩრდილოეთ კორეის საინფორმაციო სააგენტომ განაცხადა, რომ ფხენიანი "მნიშვნელოვან განცხადებას" გააკეთებდა. ამან მეზობელ ქვეყნებში, განსაკუთრებით კი, სამხრეთ კორეაში შემფოთება გამოიწვია. იმის გათვალისწინებით, რომ უკანასკნელად მსგავსი განცხადება გაისმა 2011 წლის დეკემბერში, როდესაც ქვეყნის მაშინდელი ლიდერი კიმ ჩენ ირი გარდაიცვალა, ახალმა გასაიდუმლო-

ბულმა ანონსმა სეულის საფონდო ბორსეზე მკვეთრი ვარდნა გამოიწვია.

სამხრეთ კორეის პრეზიდენტის წარმომადგენელმა განაცხადა, რომ არ იცის, ფხენიანი რა განცხადებას გააკეთებს. სამხრეთ-კორეული ხელისუფლების თქმით, მინისტრებმა რეაქციები, რომლებიც ბირთვული იარაღის გამოცდისთვის არის დამახასიათებელი, არ დაფიქსირებულა.

თვით მარშლის წოდების მინიჭების ფაქტზე "არანაკლებ საინტერესოა" ის სახალხო ზეიმი, რითიც ჩრდილოეთ კორეაში ეს "ლირსშესანიშნავი მოვლენა" აღნიშნეს. ფხენიანის ქუჩებში გამოიყვანეს ჯარისკაცები, მატროსები, ოფიცრები და სტუდენტები (ეს უკანასკნელებიც სამხედრო ფორმაში იყვნენ გამოწყობილები), რომლებიც მღეროდნენ პატრიოტულ სიმღერებს და ცეკვავდნენ. დასავლური მედიის ცნობით, ამკარა იყო, რომ სტუდენტები ერთნაირ მოძრაობებს აკეთებდნენ, ჩანდა, რომ მათ რეპეტიციები ჰქონდათ გავლილი. ქუჩებში მოზიდავ ხალხი აცხადებდა, რომ კიმ ჩენ ინისთვის მარშლის წოდების მინიჭება "მათი სანუკვარი სურვილი იყო და მოხარულები არიან, რომ ეს განხორციელდა".

მომზადდა სალომე ჯანიაშვილმა

ბიზნესი

"ბრიტიშ ეარვეისი" საქართველოში რეისების შესრულებას იწყებს

თბილისი-ლონდონის მიმართულებით ყოველდღიური

უმსხვილესმა ბრიტანულმა ავიაკომპანიამ "ბრიტიშ ეარვეისმა" (ბრიტანეთის ავიახაზები) bmi-ის ბრენდის საკუთარ ბიზნესში ინტეგრირებით გააფართოვა მარშრუტების ქსელი და ახლა მის სიას თბილისი-ლონდონის მარშრუტიც დაემატა. ბრიტანეთის ავიახაზების ზამთრის ფრენების განრიგს, 2012 წლის 13 ოქტომბრიდან დაემატება თბილისი-ლონდონის ყოველდღიური რეისები, რომელსაც აერობუსი A321 შესრულდეს.

28 ოქტომბრიდან ბრიტანეთის

ავიახაზები უკვე ყოფილი ბრენდის bmi-ის აღმაშენებლის, ამანის, ბაქოს, ბეირუტისა და ფრიტაუნის ფრენის განრიგებსაც განაახლებს. ყველა ზევით აღნიშნულ მარშრუტზე ფრენებს "ბრიტიშ ეარვეის"-ის თვითმფრინავები და საბორტო ეკიპაჟები შეასრულებენ, რომლებიც მგზავრებს ცნობილი ბრენდის ყველა მომსახურებას შესთავაზებენ. 2012 წლის ზამთარში ცნობილ ბრიტანულ ავიაგადამყვანს ისეთი მარშრუტებიც დაემატება, როგორებიც არის ლიდსი - ჰისროუს აერო-

პორტიდან და ლას-ვეგასი - გატვიციდან.

ბრიტანეთის ავიახაზების ახლო აღმოსავლეთის რეგიონალური კომერციული მენეჯერი, პაოლო დე რენზისი აცხადებს: « ჩვენ მოხარულები ვართ, რომ მალე "ბრიტიშ ეარვეისი" მგზავრებს ახალ განრიგს შესთავაზებს და მათ შორის იქნება თბილისი-ლონდონის მარშრუტიც, რომელზეც რეისები ყოველდღიურად შესრულდება. საქართველოდან მიმავალ ტურისტებსა და მგზავრებს საშუალება

ფრენები შესრულდება

ექნებათ ლონდონის გავლით დაუკავშირდნენ ბრიტანეთის ავიახაზების გლობალურ მიმართულებებს. ამავდროულად, ქართველი მგზავრები ინარგებლებენ ჩვენი ბრენდის ისეთი მომსახურებებით, როგორც არის ბარგის 23 კილოგრამამდე ლიმიტი, უფასო ონლაინ რეგისტრაცია და გაფრენამდე 24 საათით ადრე ბორტზე სასურველი ადგილების შერჩევის შესაძლებლობა"

აღსანიშნავია, რომ ამჟამად მიმდინარეობს bmi-ის კუთვნილი თვითმ-

ფრინავების ექსტერიერისა და ინტერიერის განახლება. "ბრიტიშ ეარვეის"-ის ფრენები. აეროპარკის განახლება 2013 წლის დასაწყისში დასრულდება. აერობუს A321X-ს, რომელიც საშუალო მანძილის მარშრუტებზე იფრენს, გააჩნია World Traveller - ისა და Club World - ის კაბინები. World Traveller აღჭურვილია აუდიო-ვიდეო სისტემითა და ინდივიდუალური ტელეკრანებით, ხოლო Club World - ის მგზავრები ისიამოვნებენ სრულად გასაშლელი სავარძელ-საწოლებით.

Deutsche Bank-ი და HSBC-ი სკანდალების გამო მოგებას კარგავენ

თინა შავაძე

გუშინ ცნობილი გახდა, რომ ოთხი უმსხვილესი ევროპული ბანკი - Credit Agricole, HSBC, Deutsche Bank და Societe Generale კარტელურ გარიგებას ბანკ Barclays-ის გავლით ახორციელებდნენ. ამ უკანასკნელმა ჩადენილი დანაშაული ივნისის ბოლოს, ფაქტობრივად, აღიარა.

ევროზონაში საინვესტიციო-საბანკო მომსახურების განვითარების პერსპექტივები სულ უფრო ბურუსით მოცული ხდება კრიზისის გამო. Deutsche Bank-ის მოგება მიმდინარე წლის პირველ კვარტალში მოულოდნელად 36 პროცენტით შემცირდა.

"როიტერის" ინფორმაციით, გერმანულ ბანკზე დამატებითი უარყოფითი ზეგავლენა მოახდინა ბოლო კვირის სკანდალმა, რომელიც Libor-სა და Euribor-ის დაკრედიტების განაკვეთების მანიპულირების გამო აგორდა. დიდი ბრიტანეთის საფინანსო ზედამხედველობის სამსახური ვარაუდობს, რომ ბანკთაშორის დაკრედიტების მაჩვენებელით ყველაზე სერიოზულ მანიპულირებას ადგილი ჰქონდა 2005 და 2009 წლებს შორის.



ასეთ ვითარებაში უმსხვილესი გერმანული ბანკი Deutsche Bank-ი საინვესტიციო განყოფილების ათასი თანამშრომლის განთავისუფლებას გეგმავს.

გაზეთ Handelsblatt ინფორმაციით, ამ ეტაპზე ბანკი მხოლოდ გერმანიაში მოქმედი ფილიალების ოპტიმიზაციას გეგმავს, რომელიც ევროპის ფინანსური ბაზრების კრიზისით არის განპირობებული.

ამ მეთოდით ფინანსური ორგა-

ნიზაცია ხარჯების შემცირებას ცდილობს, თუმცა ჯერ კიდევ აპრილში აცხადებდა, რომ საინვესტიციო თანამშრომლების გათავისუფლების ვერანაირ აუცილებლობას ვერ ხედავდა.

გასული წლის ოქტომბერში Deutsche Bank-მა განაცხადა, რომ კორპორატიული კლიენტების მომსახურების განყოფილებაში 500 ადგილს შეამცირებდა. სულ საინვესტიციო და კორპორატიულ განყოფ-

ილებებს 14 ათასზე მეტი თანამშრომელი ჰყავს.

ცნობისათვის - აშშ-ს, ევროპისა და აზიის რეგულატორებმა ივნისში მსოფლიოს რამდენიმე უმსხვილესი ბანკის შემოწმება დაიწყეს. ისინი ეჭვმიტანილები არიან ბანკთაშორის დაკრედიტების განაკვეთების მანიპულირებაში. რეგულატორები ფიქრობენ, რომ ამგვარმა მაქინაციებმა გავლენა მოახდინა სესხის საპროცენტო განაკვეთზე და მილიონობით კლიენტის ხარჯები გაზარდა.

სამშაბათს შეერთებული შტატების სენატში მუდმივმოქმედი ქვეკომიტეტის გამოძიების განხილვა გაიმართა, რომელიც ბანკის HSBC-ის არაკანონიერ საქმიანობას ეხებოდა. "ბი-ბი-სი"-ს ინფორმაციით, ბანკს ბრალად წაუყენეს ის, რომ საკუთარ თავს უფლება მისცა, მონაწილეობა მიეღო მილიარდობით დოლარის თანხის გათეთრებაში, რომელიც ეკუთვნის მექსიკის ნარკოკარტელებსა და სახელმწიფო-თაღლითებს, ისეთებს, როგორც არის ირანი, სირია და ჩრდილოეთ კორეა.

სენატში მოსმენაზე გამოძახებული HSBC-ის მოქმედმა და ყოფილი ხელმძღვანელებმა ბრალდებები არ უარყვეს, პირიქით, "ცოდების მონაწილე" დაიწყეს და აღნიშნეს,

რომ ბოლო წლების განმავლობაში ბანკი გაცილებით მკაცრი იყო საექსპო ანგარიშების მიმართ და გულმოდგინედ სწავლობდა პოტენციურ კლიენტებს დევიზით: "იცნობდე შენს კლიენტს".

მაგალითად, თუ ადრე მსგავს შემთხვევაში ჩართული იყო HSBC-ის, დაახლოებით 200 სპეციალიზებული თანამშრომელი, ახლა, ბანკის პრეზიდენტი აირინ დორნერის განაცხადებით, მათი რაოდენობა 892-მდე გაიზარდა.

HSBC (Hong Kong Shanghai Banking Corporation) ერთ-ერთი უმსხვილესი ფინანსური ინსტიტუტია მსოფლიოში და ყველაზე დიდი - ევროპაში. ის ოპერირებს 80 ქვეყანაში. მისმა ანაბრებმა 2.5 ტრილიონ დოლარს მიაღწია, ხოლო კლიენტების რაოდენობას 89 მილიონს აჭარბებს. ბანკში დასაქმებულია 300,000 ადამიანი და მისმა მოგებამ 2011 წელს თითქმის 22 მილიარდი დოლარი შეადგინა.

ბოლო ვაჭრობაზე ბრიტანული ბანკის HSBC-ის აქციები 2,4 პროცენტით დაეცა და ერთი აქციის ფასი, დაახლოებით, 8 დოლარით შემცირდა. ამასთან, ერთი წლის განმავლობაში HSBC-ის კაპიტალიზაცია 12 პროცენტით შემცირდა.

ბათუმში ჯაზი დაიწყო

პირველი გავრცელება

ლარი გრემისა და მისი ბენდის, Graham Central Station-ის კონცერტი ბათუმის ჯაზფესტივალის ისტორიაში დაახლოებით ისეთ ადგილს დაიკავებს, როგორც აგერ უკვე წლებია, მარკუს მილერის კონცერტს უკავია. ლეგენდარულმა ბასისტმა დიდებული მუსიკალური ბიოგრაფიით თავის მუსიკოსებთან ერთად შესანიშნავი შოუ შემოგვთავაზა, რასაც ჩაროზად მისი განსაკუთრებული დაკვრის ტექნიკა გასდევდა. არანაკლებ საინტერესო, მეტიც, პრაქტიკულად სასწაული აღმოჩნდა ბიტბოქსერი ქალბატონის, ამ ჟანრში მსოფლიო ჩემპიონ Butterscotch-ის საკონცერტო ნაწილი. ზოგჯერ ძნელი დასაჯერებელი იყო, რომ ამ ხმებს ერთი ადამიანი გამოსცემდა, დაუჯერებელი იყო ისიც, რომ ერთდროულად რამდენიმე "ინსტრუმენტის" მიქსს ვისმენდით, რასაც ახალგაზრდა მუსიკოსის ძალიან სასიამოვნო ვოკალიც ერთვოდა. ერთი სიტყვით, ბათუმის ჯაზფესტივალის თბილისის ფესტივალის მსგავსად ყოველ წელს ახერხებს ჩვენს გაოცებას, რაც ერთმნიშვნელოვნად "ისტერ პრემიუმენის" დამსახურება გახლავთ.

ამავე კომპანიის აქტივში ჩაირიცხება ის საფესტივალო დღეებიც, რომლებიც ჯაზის მოყვარულებს წინ გველის, თუმცა მანამდე ცალი თვალთ გაწვლილი დღეების აფიშას გადავხედოთ: ფესტივალი 17 ივლისს დაიწყო. კონცერტები ძველ ბულვარსა (კოლონადებთან) და კლუბ Take Five-ში გაიმართა. ჯაზს შეგრძნება ქალაქის სხვა ნერ-

ტილებშიც შეიძლება, სპეციალურად მოწყობილ ადგილებში, სადაც ფესტივალთან დაკავშირებული სუვენირების შეძენა შესაძლებელი წელს ბათუმელები და ქალაქის სტუმრები შავი ზღვის ჯაზფესტივალის შარშანდელმა სტუმარმა, ბენდმა Men In Brass კიდევ ერთხელ გაამხიარულა და მუსიკის გარდა იმპროვიზებული მოუხიბველ შემოგვთავაზა. 17 და 18 ივლისს კოლონადებთან და კლუბ Take Five-ში ბენდი Salio, სალომე კორკოტაშვილის ჯგუფი უკრავდა. 17 ივლისს Take Five-ში ელენე კალანდაძის ბენდის, House Lovers-ის კონცერტიც გაიმართა, მეორე დღეს კი კოლონადებთან ჯგუფი "ხიდი" უკრავდა.

გუშინ კი ფესტივალის ძირითადი ნაწილი დაიწყო, რომლის მონაწილეთა შესახებ ზემოთ უკვე მოგიყვით. დღევანდელ კონცერტს კი პაინსტ ბაჩა მძინარიშვილის კინტეტი გახსნის. ქართველი მუსიკოსის ბენდის სპეციალური სტუმარი მესაყვირე დარენ ბარეტი იქნება, მათთან ერთად კი სცენაზე საქსოფონისტი მაირონ უალდენი, ბასისტი შინ საკაინო და დრამერი კორი ფონვილი გამოვლენ. მძინარიშვილის ბენდის გამოსვლის დასრულებისთანავე 20 ივლისს საკონცერტო პროგრამას ქართველი მსმენლისთვის კარგად ნაცნობი ჯონ სკოფილი და მისი Hollowbody Band-ი გახსნის, რომელიც კურტ როუსენუინკელს, ბენ სტრიტსა და ბილ სტიუარტს წარმოადგენს. სუფთა ჯაზის მოყვარულებისთვის ეს კონცერტი განსაკუთრებით მნიშვნელოვანი იქნება, ამრიგად, საუკე-

თესო განწყობისთვის დღეიდანვე მოემზადეთ. როგორც კი ჯონ სკოფილი სცენას დატოვებს, ელექტრომუსიკის მოყვარულებს ყურადღებისკენ მოვუწოდებთ, რადგან იმ ნუთიდან კორტებზე, არც მეტი, არც ნაკლები, The Black Eyed Peas-ის წევრი, Taboo და მისი მუსიკა გაბატონდება. მუსიკოსის საკუთარის გარდა Black Eyed Peas-ის ცნობილი კომპოზიციებსაც შეასრულებს. ამ პროგრამით მუსიკოსი უკვე გამოვიდა ლონდონის, პარიზის, ბანგკოკის, სინგაპურის, მანხაის, მაიამისა და კანის სცენებზე და როგორც კრიტიკოსები აღნიშნავენ, ტაბუმ შესანიშნავად შეძლო ჯგუფის კონტექსტიდან უმტიკინეულოდ ამოვარდნა და საკუთარი ნიჭის დამტკიცება. ამრიგად DJ set by TABOO-ს თუ გამოტოვებთ, გვერნმუნეთ, სანანებლად ძალიან დიდხანს გაგყვებათ.

21 ივლისის კონცერტს ჯონ კალდერაცოს ტრიო გახსნის, ორიოდე საათში კი ბათუმის ჯაზფესტივალის ტრადიციული სტუმარი ბექა გოჩიაშვილი თავის ახალ სექსტეტს წარმოგიდგენს, რომლის შემადგენლობაშიც ვიქტორ ბელი, ლენი უაითი, უოლეს რუნი, ლიონელ ლუკა და ჯალილ შოუ შედიან. ფესტივალს კი ბრაზილიური მუსიკის ლეგენდად შეარაცხული სერჟო მენდესის სამბა, ბოსა-ნოვა და ჰიპ-ჰოპი დახურავს.

ბათუმის შავი ზღვის ჯაზფესტივალს წარმოადგენს საქართველოს კულტურისა და ძეგლთა დაცვის სამინისტრო და თბილისი ცენტრის, მხარდაჭერა ბათუმის მერია და



აჭარის კულტურის სამინისტრო, დამატებითი ინფორმაცია კონცერტების, ბილეთებზე ფასდაკლებებისა და სხვა საკითხების შესახებ კი იხილეთ ვებგვერდზე batumijazz.ge.

P.S. ყველა საფესტივალო დღის ბოლოს კლუბ Take Five-ში დიჯეი Logic საკუთარ შოუს გამართავს, რომელზე დასასწრები ბილეთის შეძენაც ცალკე მოგიწევთ.

ორი ხელით დანარილი ტექსტები

ბელა ჩაქარიშვილი

ლიტერატურის ისტორიამ რამდენიმე ბრწყინვალე შემთხვევა იცის, როცა ნაწარმოების ავტორად წვეილი გვევლინებოდა. ძმები გრიმების და ილფი-პეტროვის კვალდაკვალ ძმები ვაინერები და სტრუგაცკები არიან. ქართული ლიტერატურიდან კი ბესო ხვედელიძის და მაკა მიქელაძის ერთობლივი რომანი "იხვის ტოლმა" გავიხსენოთ და ვთქვათ, რომ თუ ხანდახან ამგვარი თანამშრომლობა ექსპერიმენტის დონზე რჩება, ზოგჯერ საკმაოდ წარმატებულიც გამოდის. რასაკვირველია, "ორი ხელით წერა" იოლი საქმე არ არის, მაგრამ ძალების მოსინჯვა აქაც შეიძლება, მით უფრო, როცა საქმე სასწავლო პროცესს და შემეცნებას ეხება.

ილიას სახელმწიფო უნივერსიტეტმა და პოეზიის კლუბმა ამ ცოტახნის წინ სტუდენტებისათვის გამოაცხადა კონკურსი: "ორი ხელით დაწერილი ტექსტები", რომელიც უნივერსიტეტში პოეზიის სწავლო კურსის ნაწილია.

კონკურსი ორი შემოქმედის მიერ ერთობლივად შექმნილ ტექსტს გულისხმობს, ჟანრის შეზღუდვად და ორ ეტაპად ჩატარდება. 1-ლ ეტაპზე ილიაუნის სტუდენტები ირჩევენ ერთმანეთს (ვისთან ერთადაც უნდათ, რომ შექმნან საკონკურსო ტექსტი) და თავიანთი შემოქმედებიდან თითოეული ორი გვერდის ფარგლებში პოეტური ან პროზაული ტექსტის ფრაგმენტებს აგზავნიან საკონკურსო მისამართზე: iliauniskonkursi@iliauni.edu.ge.

შესარჩევი ტექსტების გამოგზავნის ბოლო ვადა დღეს, 20 ივლისს ამოიწურება, 25 ივლისს კი კონკურსის ფიური გამოავლენს 10 გამარჯვებულ წვეილს, რომლებიც მონაწილეობას მიიღებენ კონკურსის ფინალში, რომელიც ჩატარდება წინანდალში,



ალ.ჭავჭავაძის სახლ-მუზეუმის ტერიტორიაზე, "ლაბორინთებში". კონკურსანტებს ადგილზე მიეცემათ თემა, რომელზეც უნდა შექმნან საკონკურსო ტექსტი. ფიური იქვე გამოავლენს 2 გამარჯვებულს. 1-ლ ადგილზე გასული დაჯილდოვდება 500 ლარით, მეორე ადგილისთვის კი 300 ლარია დაწესებული.

პოეზიის სალექციო კურსი, რომელსაც ილიას უნივერსიტეტში პროფესორი და პოეტი ცირა ბარბაქაძე უძღვება, არჩევითი საგანია ბაკალავრის პირველ საფეხურზე და თეორიის გარდა, პრაქტიკულ კურსსაც მოიცავს, სადაც სტუდენტები აუდიტორიის წინაშე საკუთარ ნაწერებს წარადგენენ და განიხილავენ. ერთ-ერთ ამგვარ მეცადინეობაზე, ირაკლი შარშიაშვილი და სოფიო კომახიძე ერთობლივი ლექსი წაიკითხეს, რომელიც გარდა იმისა, რომ წყვილის ნამუშევარი იყო, საინტერესო ტექსტს წარმოადგენდა და

აუდიტორიისა და ლექტორის დაინტერესება გამოიწვია. იქვე იშვა იდეა: სხვებსაც ეცადათ. ერთობლივი ნაწარმოების შექმნა, ლექსი იქნება ეს თუ პროზა, ავტორების მხრიდან ისეთ სინქრონულობას მოითხოვს, რაც ნებისმიერ ასაკში ძნელი მისაღწევია. "სტუდენტებისთვის ეს ერთობლივი ლექსი სრული მოულოდნელობა იყო. ბოლოს ნათია კაპანაძემ იკითხა, "თქვენ ორი ხელით წერთ?" აქედან გაჩნდა იდეა, ორი ხელით დანარილი ტექსტების კონკურსის ჩატარების. ვთხოვე სტუდენტებს, დაენერათ პატარა პროექტი კონკურსისათვის. ამას დაემთხვა ის, რომ საორტისა და ახალგაზრდულ საქმეთა სამინისტრომ გამოაცხადა კონკურსი ორიგინალური ლიტერატურული პროექტისათვის. ცოტახნის წინ გახდა ცნობილი, რომ სამინისტროსგან დაფინანსება მივიღეთ" - ამბობს ცირა ბარბაქაძე. ილიას სახელმწიფო უნივერსი-

ტეტი, რექტორის მიერ ინიცირებული "ქართული რომანის კონკურსის" გარდა, ყოველწლიურად სხვადასხვა სტუდენტურ ლიტერატურული კონკურსებითაც გამოირჩევა. ახალგაზრდები, მოგეხსენებათ, ყველაზე უფრო ემოციური და პროდუქტიულები არიან, როცა საქმე შემოქმედებას ეხება. ცირა ბარბაქაძის თქმით, სტუდენტებს შორის ბევრია, რომელსაც ჰგონია, რომ რაღაცას წერს და ბევრიც ისეთი, სალექციო კურსის განმავლობაში რომ აღმოაჩენს ხოლმე საკუთარ თავში მხატვრული ტექსტის დანერის უნარს და სურვილს. და რა საჭიროა ამდენი მწერალი? - შეიძლება ესეც ვიკითხოთ, როცა ცირა ბარბაქაძის ინიციატივებს და კონკურსებს ვადევნებთ თვალს. ცირა ბარბაქაძე; ილიაუნის პროფესორი: "მე არ მინდა, რომ ამ სტუდენტებმა პოეტად ქცევა გაიხა-

დონ მიზნად. მე მათ ვაქებებ სანერად, რადგან წერის დროს სწავლობს ადამიანი ფიქრს. ამ ლექციების კურსმა შეიძლება პოეტად არავინ ჩამოაყალიბოს, მაგრამ ფიქრს კი დააწყებინებს. შემეცნებისკენ ისინი პოეზიის გზით მიმყავს და ამ გზაზე მნიშვნელოვნად მიმარჩია ის საზეიმო განცდა, რაც ლექსის შემქმნას და მოსმენას ახლავს თან. ეს ამალღებული განწყობა, რასაც ხელოვნება იწვევს, ხომ ადამიანებს აერთიანებს. მინდა ახალგაზრდებმა პოეზიით გახარება ისწავლონ. სწორედ ამიტომ, ჩვენი კონკურსები არ არის ორიენტირებული შედეგზე, ფინალი ყოველთვის საზეიმოა, მიუხედავად იმისა, თუ ვინ გაიმარჯვებს".

ამას ემსახურებოდა "აზრები.ჯი"-ს კონკურსი, პერფორმანსული პროექტები "ანწყვეტილი ლილუები", "თეთრი ხელთათმანები", "ცოცხიანი პოეტების საღამო", "მაღალი არავერბალური პოეზია ხეებიდან" და ა.შ. თუკი პედაგოგიკის მეთოდისა გადავხედავთ, "თამაშით სწავლება" ყველაზე ეფექტური გზაა შემეცნებისკენ, რასაც ილიას უნივერსიტეტის სტუდენტების შემთხვევაში, პოეტური კრებულები მოსდევდა შედეგად. თუმცა, ეს აღმანახლები პოეზიის მასწავლებლისთვის მეორეხარისხოვანია, მთავარი პოეზიის აღქმაა.

როლან ბარტის თქმით, მთავარი ავტორი კი არ არის, არამედ აზრი, რომლის გარშემოც ჩვენ ვიკრიბებით. დღეს სცენაზე გამოდის სიტყვა. 21-ე საუკუნის პრაგმატულ ეპოქაში კი, როცა ადამიანი ყველაფერს უტილიტარული დანიშნულებით უდგება და მხატვრული სიტყვა, როგორც ასეთი, ნელ-ნელა იცრინება. ასე რომ ნუ შეგვაშინებს "პოეზიის სამეჭდლო", რაც მეტად წავახალინებთ ახალგაზრდებში წერის სურვილს, მეტად დავიცავთ ჩვენს საზოგადოებას გამოფიტვისგან.

დუაიტის ამბავი

ალექსანდრა ასათიანი

"ლეიკერსმა" ვერ წამოიყვანა გრანტ ჰილი. ფორვარდი იქვე, ლოს ანჯელესში დარჩა და, კრის პოლთან ერთად, "კლიპერსის" წითელ ფრენჩაიზში ირბენს. ჰილი სერიოზული ვარიანტი იყო. "ლეიკერსმა" სხვა ვარიანტები უნდა გაშანსოს. ჯეკ ნიკოლსონის უბანში დუაიტ ჰოვარდი უნდა მივიდეს. დიდი ბიჭი უკვე დაღვრილი ნუნუნებს და დიდ კუშს ითხოვს. "ბრუკლინში" მოსალოდნელი კონტრაქტი არ მოსულა - მიხაილ პროხოროვმა ბრუკ ლოპესი დაიტოვა და ბანკში ფული არ არის, მხოლოდ წითელი ხიზილალა დარჩა. დუაიტს ხიზილალით ვერ მოისყიდო. მისტერ ჰოვარდს დოლარების კოქტილი ურჩევნია. ამ კოქტილს ელ-ეიში ერთი მაგარი ბარმენი ამზადებს და იმ ბარმენმა ჰოვარდს კიდევ ერთი კონტრაქტი გაუგზავნა. დუაიტი და "ლეიკერსი" კარგი ვარიანტია. დუაიტისა და "ლეიკერსისთვის" კარგი. კობი ბრაიანტმა ვერ იძმაკაცა ბოლომდე შაკთან და ახალი სუპერმენი უნდა. ახალი სუპერმენი დუაიტ ჰოვარდია. უბრალოდ, კალიფორნიაში ჯერ დოლარებს ითვლიან.

ჰოვარდმა დაატვიტერა, რომ ამ ეტაპზე "ლეიკერსის" ვარიანტი ყველაზე სექსუალურია და ამ ვარიანტზე რეალურად ფიქრობს. დუაიტი კობი ბრაიანტთან მირბის და თუ ამ პროცესში მესამე გუნდიც ჩართვება, დიდი ბიჭი წინააღმდეგი არ იქნება. ჰოვარდი და "ლეიკერსის" ბოსები ორი კვირის წინ ოთხნობიანი კონტრაქტზე შეთანხმდნენ და თუ დუაიტი ხელშეკრულებაზე ავტოგრაფს დატოვებს, 117 მილიონ დოლარს წამოიღებს. სერიოზული კუშია. დუაიტის სერიოზული ბიჭია და კალიფორნიაში ახალ დინასტიაზე ჩალიჩობენ. დინასტია, რომელიც "ლეიკერსში" შაკის ნასვლის შემდეგ დაიშალა. ენდრიუ ბაინუმი და პო გასოლი ისე ვერ ქაჩავენ, როგორც უნდა გაქაჩონ. ბაინუმი "ლეიკერსში" ჰოვარდს ადგილს უთმობს. თან არც უნდა, რომ დაუთმოს და ბოსები ჰოვარდის წამოყვანის სხვა ვარიანტს ვერ ხედავენ. ბოსები ელ-ეიშიც ბოსები არიან. თან, ჰოვარდი კობის მრეწონა. სერიოზულია.

ბოლო რეგულარული დუაიტი კარგი და სტანდარტული იყო. ჰოვარდის 20.6 ქულა ჰოვარდისთვის ჩვეულებრივი თემაა. ჰოვარდის 14.5 მოხსნა რეალურად მკვლელი თემაა. დუაიტის თითქმის ორი ბასიც წავა და ბიჭმა დაცვაში ისევე ბევრი პერსონა დალენა, დაშალა, სისხლის ზღვაში ბევრი ბალასტი დატოვა. ჰოვარდი სამწამიანის ასასინი, მარვი, ლეონიდეა.

დუაიტის CV ამბობს, რომ ჰოვარდი სამჯერ (2009-11) რეგულარულის საუკეთესო დამცველი იყო. იქვე წერია: ექვსე ზის (2007-12) ოლსთარელი, ხუთე ზის (2008-12) ლიგის პირველი ხუთეულის ცენტრი, ოთხე ზის (2009-12) დამცველების პირველი ხუთეულის ცენტრი. ჰოვარდი წინა ოლიმპიადზე გაერთო და კოლექციაში ოლიმპიური ბონუსიც ჩაუშვა. დუაიტი ნორმალურად რეპავს, იშვიათად უსმენს ინტელექტუალურ მუსიკას და იშვიათად თამაშობს ინტელექტუალურ კალათბურთს. ჰოვარდი რეალური ტერორისტია. ბიჭი "ლეიკერსში"



დუაიტ ჰოვარდი "ლეიკერსში" მიდის

ამ გენერაციის ქარიში, შაკი, ბილ უოლტონი იქნება. ბრაიანტთან ერთად გაიხსნება ბევრი დერეფანი. ბრაიანტთან ერთად ჰოვარდზე ნაკლები სხეული ავა და "ლეიკერსი" დასავლეთის ტერმინატორი იქნება. უფრო მოქნილი, ვიდრე "სან ანტონიო" და ტიმ დანკანი. უფრო ძნელად გასაშიფრი, ვიდრე დირკ ნოვიციცი და "დალასი". უფრო ალესილი, ვიდრე კევინ დიურანის, ჯეიმს ჰარდენის, რასელ უესტბრუქის და სერვანტესის ასპროცენტინი შთამომავლის, სერუ იბაკას "ოკლაჰომა". ჰოვარდთან ერთად "ლეიკერსმა" ყველა უნდა დაშალოს და ეს რეალურია. თუ საკონტრაქტო ამბები ჭორაობის შემდეგ ეტაპზე გადავა და უახლოეს დღეებში დუაიტი ჯეკ ნიკოლსონის იახტაზე რვაფეხების ბორშს მიირთმევს. იახტაზე კრისტინა აგილერა კოქტილებს მიხედავს, მიკი რურკი იცეკვებს და შონ პენი ჰარვი მილქის ინტერპრეტაციას გააკეთებს. ბოლომდეც არ გააკეთებს. მაგარია.

ჰოვარდის ამბებს "კლივლენდის" ინტერესიც ეხმარება. თუ "ორლანდოსა" და "ლეიკერსის" მეგობრობაში მესამე გუნდიც მიიღებს მონაწილეობას, კალიფორნიაში წავა დუაიტი. ენდრიუ ბაინუმი "კავალიერ-

სის" პრობლემებს მოაგვარებს და "ორლანდოში" ბრაილიელი პივოტი, ანდერსონ ვარეჟო წაუსამბებს. "მეჯიქი" შემდეგი ორი დრაფტის პირველ წრეში ორი მოთამაშის არჩევის უფლებასაც მიიღებს. "ორლანდოში" ეს ვარიანტი შესაძლებელია, - თქვას. "კლივლენდი" ბაინუმი მომავალს ხედავს და კობი ჰოვარდს დღეში 69 ტექსტურ შეტყობინებას უგზავნის. ან ჩამოდი, ან წუ დაგვალე, სიტუაცია გაარკვიე და მერე აღვნიშნოთო, წერია მისტერ კობის ბოლო მესიჯში. საინტერესო შეთავაზებაა. თითქმის ისეთი, როგორც მარიო პიუზოს ერთ მაფიოზურ ტრილოგიაში. იტალიელი დონი აქ კობი ბრაიანტია. ბაინუმი "კლივლენდში" კარიერის გაგრძელებაზე უარს არ ამბობს. მშვენიერი ვარიანტია. ამ ეტაპზე ენდრიუს აგენტები კლივლენდში არიან, ხელშეკრულების დეტალებზე მუშაობენ. როგორც კი პროცესი დამთავრდება, ჰოვარდი კალიფორნიის ვიზას მიიღებს და გაერთობა. მაგარი ამბები მერე დაიწყება. პო გასოლი ამ ეტაპზე "ლეიკერსშია". ესპანელი პროფესორია და თუ დუაიტის პრობლემა მოგვარდება, გასოლი და ჰოვარდი სამწამიანში ყველაფერს მოხსნიან. თითქმის ყველაფერს. "ლეიკერსის" ბო-

სებმა გასოლის სტატისტიკა (17.4 ქულა, 10.4 მოხსნა, 3.7 პასი, 1.4 დაფარება) მოიწონეს. ესპანელი მშვიდად ემზადება ლონდონის ოლიმპიადისთვის, სადაც ესპანეთი კობის ძმაკაცების ერთადერთი კონკურენტი იქნება. ამბობენ, რომ იქნება და ამერიკამ ესპანეთიც ყურებით უნდა დაკიდოს.

ჰოვარდი ოლიმპიადაზე გამოირიცხა და დუაიტის მერე ამერიკამ ბაინუმიც დაკარგა. ბიჭი დალილია და უნდა დაისვენოს. ჰოვარდიც დალილია. ჭორაობით, კვენსით და დოლარებზე ფიქრით დიტმა ამ დღეებში ახალი "მაზერატი" დაირტყა. ისეთი, რომელშიც ეტევა. გაერთობა, ჰაივეიზე ბოლომდე გაიქცევა და მერე ახალი ტექსტური შეტყობინება მიუვა. იქ ენერგია - პრობლემები მოგვარებულია, ბაინუმი გასახდელში ერთი დიდი კარადა დაგიტოვა და გელოდებით, თან ფორთხის წვენი და ფუნთუშები წამოიღე, კონტრაქტი დავასველოთ. მესიჯი კობი ბრაიანტისგან. საინტერესო მესიჯი საინტერესო ბიჭს.

"ლეიკერსმა" ვერ წამოიყვანა 40 წლის გრანტ ჰილი. ფორვარდი იქვე, ლოს ანჯელესში დარჩა და, კრის პოლთან ერთად, "კლიპერსის" წითელ ფრენჩაიზში ირბენს. "კლიპერსი" შარშან გამოფხიზლდა, ფლეი-ოფში შევიდა და იქ ერთი წრე გაიარა. კრის პოლის ბენდმა "მემფისი" გააჩერა. პოლი და ბლეიკ გრიფინი "სან ანტონიოში" გაშიფრა. გრეგ პოპოვიჩი კალათბურთის ყველაზე სერიოზული რენტგენია. ჰილიც სერიოზული ვარიანტი იყო. კარგი გრანტი "კლიპერსმა" მიიღო და ახალ სეზონში გუნდი დასავლეთის მოგებას გეგმავს. თითქმის რეალურია. თუ დენდრე ჯორდანი კალათბურთის თამაშსაც დაამუდამებს, უფრო რეალური იქნება. "კლიპერსში" კრის პოლის ინტელექტი ბოლო დონეზე გავიდა და განტოლებებს ხსნის. პოლმა ვოკალური დახმარება მიიღო. გრანტ ჰილი იქ სიტუაციას დააღვებებს. "ლეიკერსმა" უკვე აიყვანა სტივ ნემი და კანადელი ბევრ რალაცას დალაგებს, კობის დასვენებს. "ლეიკერსი" მეჯიქის, ქარიშის, უორთის, კუპერის და სკოტის იხსენებს. თუ გაიხსენებს, რეალურად წამოიღებს. ის გუნდი არარეალურად კარგი იყო.

"ლეიკერსმა" სხვა ვარიანტები უნდა გაშანსოს. ჯეკ ნიკოლსონის უბანში დუაიტ ჰოვარდი უნდა მივიდეს. დიდი ბიჭი უკვე დაღვრილი ნუნუნებს და დიდ კუშს ითხოვს. "ბრუკლინში" მოსალოდნელი კონტრაქტი არ მოსულა - მიხაილ პროხოროვმა ბრუკ ლოპესი დაიტოვა და "ნეთსის" ბანკში ფული არ არის, მხოლოდ წითელი ხიზილალა დარჩა. დუაიტს ხიზილალით ვერ მოისყიდო, მისტერ ჰოვარდს დოლარების კოქტილი ურჩევნია. ამ კოქტილს ელ-ეიში ერთი მაგარი ბარმენი ამზადებს და იმ ბარმენმა ჰოვარდს კიდევ ერთი კონტრაქტი გაუგზავნა. დუაიტი და "ლეიკერსი" კარგი ვარიანტია. დუაიტისა და "ლეიკერსისთვის" კარგი. კობი ბრაიანტმა ვერ იძმაკაცა ბოლომდე შაკთან და ახალი სუპერმენი უნდა. ახალი სუპერმენი დუაიტ ჰოვარდია. უბრალოდ, კალიფორნიაში ჯერ დოლარებს ითვლიან. დროზე უნდა დაითვალონ. ან ჰოვარდი გადაიფიქრებს.

"დენვერმა" მაკგი დაიტოვა

ჯავილ მაკგი "დენვერში" დარჩა. ალბათ, უნდა დარჩენილიყო. ალბათ, მაკგი "დენვერსაც" უნდა დაეტოვებინა. ალბათ, ორივე მხარემ ჯეკპოტი მოხსნა. ჯავილი "ნაგეტსის" ჯეკპოტია. მაკგიმ ნორმალური პირობები მიიღო. დაუზუსტებელი ინფორმაციით, "დენვერმა" მაღალ ბიჭს ოთხნობიანი კონტრაქტი გაუგზავნა და ჯავილი ამ დროში 44 მილიონ დოლარს მიიღებს. "დენვერმა" ბიჭი შარშან აიყვანა და მაკგიმ რეგულარულის 20 გარჩევამი 10.5 ქულა, 5.8 მოხსნა და 1.6 დაფარება აკრიფა. ფლეი-ოფის ეს სტატისტიკა ცოტა შეიცვალა - "დენვერი" "ლეიკერსზე" გავიდა და ჯავილმა პო გასოლისა და ენდრიუ ბაინუმის მსუყე წყვილთან 8.6 ქულა, 9.6 მოხსნა და 3.1 დაფარება დატოვა. ჯავილი დაცვაში დიკემბე მუტომბო იყო.

მაკგის პირველი სეზონი, 2008-09, "ვაშინგტონში" - 6.5 ქულა, 3.9 მოხსნა, 1.0 დაფარება. მთელი ეს სტატისტიკა ბიჭმა 15.2 წუთში მოასწრო. ჯავილი ნორმალური და აზრზე მოსაყვანი იყო. "ვაშინგტონმა" სამწამიანის სტაბილური და ცოტა მოძველებილი დამცველი მიიღო. მარჩუანა, ჰაშიში, ცეცხლსასროლი იარაღი - ჯავილს ეს უყვარდა. აღარ უყვარს.

2009-10 - მეტ წუთში (16.1) ოდნავ ნაკლები (6.4) ქულა, 4.0 მოხსნა და 1.7 დაფარება წამოვიდა. კიდევ ერთი რეგულარული "ვაშინგტონში". დედაქალაქში მაკგი არ ახსოვთ. იქ ბარაკ ობამას შეცდომები და ალექსანდრ ოვეჩკინის ჩამტვრეული კბილები უფრო კარგი გასაჭორია. ჯავილი მოიცდის. ჯავილმა უნდა მოიცადოს. ბიჭმა სროლების 50.8 პროცენტი გამოიყენა. საჯარიმოების - 63.8 %. წავა. ფლეი-ოფი ჯერ არარეალურია. მაკგი იზრდება.

2010-11 - 79 გარჩევა. კარიერის რეკორდი. 75 თამაში სასტარტოში. კარიერის კიდევ ერთი რეკორდი. 10.1 ქულა. იმ მომენტში კარიერის რეკორდი. 8.0 ქულა. იმ მომენტში კარიერის მეოთხე რეკორდი და პროცესში ბიჭი 2.4 დაფარებასაც იღებს. რამდენიმე თამაშში მაკგიმ ტიმ დანკანი, კევინ გარნეტი, დუაიტ ჰოვარდი გააშავა, თამაშის ხალისი წართვა. ჯავილი პირველ გვერდზე გამოაქვთ. "ვაშინგტონში" კალათბურთიც აქტუალურია. ამერიკის ბევრი შტატის პრეზიდენტთან და რუს კრიმინალთან, ოვისთან ერთად. მაკგიმ ერთ-ერთ საღამოზე ალექსანდრი გაიცნო და ბიჭებმა კეპები გაცვალეს. ვაშინგტონი ბედნიერია. იმ საღამოს ბარაკ ობამამ ბრიუს უილისთან ერთად შეუბერა და ერთ კაფეში საინტერესო სემენი წავიდა.

2011-12, "ვაშინგტონში" - 41 თამაში, 40 - სასტარტოში. 11.9 ქულა, ძალიან ბევრი სლემი, 8.8 მოხსნა, 2.5 დაფარება. კარგი ბიჭი კარგი სტატისტიკით. ჯავილმა მეორე იარუსზე სიარული ისწავლა და კვირის ჰაილაითებში ზის. მაკგი მოდის, გაინით, - წერენ ამერიკელი უსაქმურები. ჯავილიც უსაქმურია. არ აზღვევს არავის სამწამიანში, პირადი სტატისტიკის გაუმჯობესებაზე ზრუნავს. ჯავილში "ვაშინგტონმა" ნენე მიიღო. სერიოზული რისკი და უფრო სერიოზული როქი. ცენტრი კოლორადოში წავიდა. ახალი ერა ახალი მაკგისთვის.

2011-12, "დენვერში" - მანამდე გავიარეთ. კარგი და საინტერესო სეზონი ახალ "დენვერში".

დღეს "დენვერში" საინტერესო ხალხია. ფლეი-ოფი ადვილზეა. "ნაგეტსმა" ცოტა მეტზე უნდა იჩაღიროს და ცოტა მეტს ცოტა მეტით გააკეთებს. ახალ "ნაგეტსში" კარგი ბიჭები დარბიან.

პატარები - არონ აფლალო, კორი ბრიუერი, უილსონ ჩენდლერი, ივან ფურნიე, ტაი ლოუსონი, ანდრე მილერი.

ფორვარდები - კენეტ ფარიდი, დანილო გალინარი, ჯორდან ჰამილტონი, ალ ჰარინგტონი.

ცენტრები - ჯავილ მაკგი, ტიმოფეი მოზგოვი, კოსტა კუფოსი. მაგარი გუნდია. მთავარი მწვრთნელი ისევე ჯორჯ კარლი იქნება.

ტიმ დანკანის, ტომი პარკერისა და პოპოვიჩ-ჯინობილის "სან ანტონიო" გახუნებული ბანდაა. "ლეიკერსმა" უნდა აკრიფოს და თუ იქ დუაიტ ჰოვარდი წავა, "დენვერი" უშანსოდ რჩება. "ოკლაჰომას" დასავლეთი არ ახსოვს. აღმოსავლეთზე, ლებრონზე, უეიდსა და პატ რაილის ბრიოლინზე ფიქრობს. "ოკლაჰომამ" უნდა მოუმატოს და "დენვერი" ჯერ იმ დონეზე ვერ არის. დანარჩენებთან ჯავილ მაკგის გუნდს კარგი შანსი აქვს. ყველასთან. კრის პოლის "კლიპერსთან" და ზაკ რენდოლფის "მემფისთან". დასავლეთში დიდი ამბები იქნება.

“კახა ლაბორალმა” ნორიონი გაიფორმა

ზურაბ თალაკვაძე

“კახა ლაბორალი” ადრე ტაუ იყო. ტაუში ადრე ლუის სკოლა დარბოდა და ჯეკპოტებს ხსნიდა. ის ტაუ ევროლიგის ოთხთა ფინალში შედიოდა, ისვენებდა, აგებდა და ახალი სეზონისთვის მზადებას იწყებდა. მერე შეიცვალა სპონსორი და გუნდი “კახა ლაბორალი” გახდა. ახალი გუნდი ახალი ბოსებით და ძველი ამბიციებით. “ლაბორალმა” გუნდში კიდევ ერთი კარგი არგენტინელი გაიფორმა. ესპანელებმა ერთი სეზონით ანდრეს ნორიონი დაიტოვეს და ანდრესი პირობებით კმაყოფილია. ერთ სეზონში არგენტინელი სლეპერი 1.45 მილიონ ევროს მიიღებს. ნორმალური კონტრაქტი ძალიან კარგი მოთამაშისთვის. ნორიონი მესამე ნომერია და შარშან, ესპანეთის ჩემპიონატში, საშუალოდ 9.7 ქულას და 3.5 მოხსნას იღებდა. ანდრესი ადის მეოთხე ნომერზეც და პრობლემებს აგვარებს.

ნორიონი 32 წლისაა. ადრე, ტაუში, ესპანეთის ჩემპიონატის MVP გახდა (2004) და ორჯერ (2003-04) რეგულარულის მეორე ხუთეულში შევიდა. ანდრესმა კარიერა არგენტინაში, “ინდეპენდიენტში” (1997-99) დაიწყო და პარალელურად, არგენტინის ნაკრებშიც ჩაჯდა. ნორიონი მიდის ტაუში (1999-2000), ერთი წლით მოდის აზრზე “მანრესაში” (2001) და ტაუში ბრუნდება. მერე წამოვიდა ამერიკული თემა - “ჩიკაგო” (2004-09), “საკრამენტო” (2009-10), “ფილადელფია” (2011-12), პროცესში, რამდენიმე თვე არგენტინაში (“პენიაროლდე მარ დელ პლატა”) და წრე “კახა ლაბორალი” შეიკრა. ესპანეთში კარგი არგენტინელი დაბრუნდა.

ანდრეს ნორიონი: “კახა ლაბორალის” გარდა, კიდევ რამდენიმე ნორმალური შეთავაზება მქონდა. რუსეთი, საბერძნეთი, იტალია. იყო ნორმალური პირობები ერთი ამერიკული გუნდისგან. პატივს ვცემ ყველა გუნდს და დიდ მადლობას ვუხდის ჩემი დაინტერესებულ ყველა გუნდს. უბრალოდ, ამ ეტაპზე “კახა ლაბორალი” ჩემთვის საუკეთესო ვარიანტია. აქ ბევრი კარგი მოგონება მაქვს, მყავს მეგობრები და გუნდი ესპანეთის ჩემპიონობისთვის ითამაშებს. როგორც ვიცი, კიდევ ორი ძლიერი ბიჭის დამატებას ვაპირებ. საინტერესო გუნდი იქნება. უნდა მოვუმატოთ და თუ ვაგვიმართლებს, შედეგი იქნება. ახალ სეზონში ბევრის მოსწრება მინდა. შეიძლება ეს სეზონი ჩემთვის უკანასკნელი იყოს. ვამთავრებ თამაშს არგენტინის ნაკრებში. ლონდონში, მე, მანუ (ჯინობილი) და ლუისი (სკოლა) ნაკრებში უკანასკნელად ვითამაშებთ. ჩვენთვის და, ალბათ, მთელი არგენტინისთვის განსაკუთრებული ტურნირი იქნება.”

“მეტალურგი” კლასთან შერწყმვა, “დილაშ” გამოანათა



“პლზენი” ჰორვატის გოლს ზეიმობს

პირველი გავრდიდან

პირველი ტაიმის შემხედვარე აშკარა იყო, რომ რუსთაველები ვერაფერს მოუხერხებდნენ მეტოქეს. აშკარა იყო კლასში სხვაობა - “პლზენი” პროფესიონალითა გუნდი იყო, “მეტალურგი” მოყვარულთა კრებულს გავდა. ეს ყველაფერი მეორე ნახევარში დადასტურდა.

ფორუმიკაშივინა მიუხედავად ცვლილებებისა გუნდის თამაში ვერაფერი შეცვალა. ჩეხები კი კვლავ აუღელვებლად, მშვიდად განაგრძობდნენ ბურთის კონტროლს. ძალიან იოლად შედიოდნენ მეტოქის საჯარიმოში და მომენტს მომენტზე ქმნიდნენ. მესამე გოლი დროის ამბავი იყო და 59-ე წუთზე ისიც ვიხილეთ - პაველ ჰორვატმა

დაახლოებით 30 მეტრიდან მძლავრად და რაც მთავარია უზუსტესად დაარტყა.

დარჩენილ დროში ჩეხთა მიერ შექმნილი მომენტების ჩამოთვლა შორს წაგვიყვანს, მოკლედ ვთქვათ, რომ “მეტალურგი” გაცილებით დიდი ანგარიშით შეიძლებოდა დამარცხებულიყო, მაგრამ “პლზენმა” სტუმრად გატანილი სამი გოლიც იკმარა და, რალა მტკიცება უნდა, რომ შემდეგ ეტაპზე გასვლა გაინაღდა. კი ბატონო, წინ საპასუხო მატჩია, მაგრამ ალბათ, არც თავად რუსთაველებს სჯერათ, რომ ჩეხეთში სასწაულს მოახდენენ.

“მეტალურგის” ფიასკოს შემდეგ სასიამოვნოდ გაგვაკვირვა და ქართველ გულშემატკივარს იმედი გაუცოცხლა გორის “დილაშ”.

ევროპის ლიგის მეორე საკვალიფიკაციო ეტაპი. პირველი მატჩი.

“მეტალურგი” (რუსთავი) - “პლზენი” (პლზენი, ჩეხეთი)	1:3
გოლები: 0:1 ჰორვატი (14), 1:1 ტატანაშვილი (29), 1:2 კოლარი (32), 1:3 ჰორვატი (59)	
“ორჰუსი” (დანია) - “დილა” (გორი)	1:2
გოლები: 1:0 ვიდშერი (3), 1:1 ვანაძე (34), 1:2 ალადაშვილი (84)	

საქართველოს თასის მფლობელს ევროდებიუტი ძალიან წარმატებული გამოუვიდა, არადა, დანიურ “ორჰუსთან” მატჩი ჩვენებურთათვის ცუდად დაიწყო - მასპინძლებმა უკვე მესამე წუთზე მოახერხეს ანგარიში გახსნა, მაგრამ “დილაშ” ტოლი არაფერში დაუდო მეტოქეს და 34-ე წუთზე მათე ვანაძემ საპასუხო გოლი გაიტანა. მეორე ტაიმში დანიელთა მწვრთნელმა მოედანზე “ორჰუს-

სის” ორი ქართველი - დავით დევდარიანი და დავით სხირტლაძე შეუშვა. ამ უკანასკნელს 6-ე წუთზე მასპინძელთა დანიურებაც შეეძლო, მაგრამ ბურთი ძელს გაარტყა. დარჩენილ დროში სრულ უპირატესობას გორელები ფლობდნენ და შეხვედრის დასრულებამდე 6 წუთით ადრე კახა ალადაშვილმა სანდრო გურულის პასით “დილაშ” პირველ გამარჯვება მოუტანა ევროსარბიელზე.

გამომცემლობა ინტელექტი

ხანაწერები

20 წიგნი

გამოუქვეყნებელი დღიურები

ცნობილი ადამიანების უცნობი ავტობიოგრაფიული უტრისები

ის, რასაც სხვაგან ვერ წაიკითხავთ



დაგვიკავშირდით:

თბილისი, ილია ჭავჭავაძის გამზ. N5
 ტელ: (+995 32) 2 25 05 22
 (+995 32) 2 47 55 54
 intelekti@caucasus.net
 info@intelekti.ge
 www.intelekti.ge

www.intelekti.ge